



KOPERKASA

KOPERASI KOPERKASA SARAWAK BERHAD

<https://www.koperkasa.com.my>

KOPERKASA BAKAL TAMBAH ASET BANGUNAN BARU DI KUCHING DAN LIMBANG



Dari kiri:, Othman Bin Bujang (Setiausaha Koperkasa), Fathi Bin Haji Hambali (Pengerusi Koperkasa), Ybng. Dato' Sri Haji Fadillah Bin Haji Yusof (Menteri Kanan Kerja Raya), Ahmad Fauzi Bin Yahya (Penceramah) dan Haji Jaya Suria Bin Muss (Pengurus Besar Koperkasa)

2 November 2022 – Koperasi Koperkasa Sarawak Berhad bakal menambah aset bangunan baru di Kuching dan Limbang dalam masa terdekat ini.

Perkara ini dimaklumkan oleh Fathi Bin Haji Hambali, Pengerusi Koperkasa dalam ucapan aluan semasa majlis perasmian Kursus Transformasi Koperkasa Ke Arah Visi 2030 yang diadakan di The Waterfront Hotel Kuching pada 29 Oktober lepas.

Beliau berkata cadangan pembelian bangunan tersebut telah diluluskan oleh Suruhanjaya Koperasi Malaysia dan proses pembelian akan dibuat dalam masa terdekat ini.

Perasmian tersebut telah disempurnakan oleh Ybng. Dato' Sri Haji Fadillah Bin Haji Yusof, Menteri Kanan Kerja Raya.





Dalam ucapan perasmian, beliau menyarankan Koperasi sekiranya mempunyai kepakaran, untuk mengintai peluang-peluang yang ada dan melibatkan diri dalam projek yang sedang dirancang di bawah Post Covid-19 Development Strategy 2030 (PCDS).

Beliau berkata PCDS yang sebelum ini telah dibentangkan oleh Premier Sarawak adalah bertujuan untuk memulihkan ekonomi dan kehidupan rakyat dalam tempoh sehingga tahun 2030 di mana ianya seiring dengan perancangan Koperasi dalam pelan transformasi ke arah visi 2030.

Antara pelan PCDS adalah dalam Green dan Digital Economy di mana pada masa sekarang Kerajaan Sarawak telah menjadi pengeluar tenaga hijau yang telah dijual ke Kalimantan Barat Indonesia dan bakal dibekalkan ke Singapura di masa hadapan.

Selain itu, kerajaan Sarawak juga sedang melihat kepada implementasi Intelligence Transport System (ITS) secara khususnya di Sarawak untuk memantau pergerakan trafik dari Pusat Kawalan yang akan mengkaji situasi semasa trafik dan seterusnya menganalisis data berkaitan.

Hasil analisis data tersebut akan diakses oleh pengguna melalui aplikasi khas di mana kesannya boleh membantu menjadikan trafik lebih efisien dan selamat bagi pengguna jalan raya.



Ybhg. Dato' Sri Haji Fadillah Bin Haji Yusof (Menteri Kanan Kerja Raya) bersama peserta kursus

Kursus selama 3 hari yang melibatkan Perwakilan, Anggota Lembaga dan Pengurusan itu akan menentukan hala tuju Koperasi dalam masa sehingga tahun 2030 dengan pelan perancangan strategik yang melibatkan perniagaan serta penambahbaikan pengurusan koperasi.